


Lisalisi mpo na kopesa biyano

Oyokaka ndenge nini soki moto atuni yo motuna oyo etali mateya ya Biblia? Mbala mingi, ebangisaka biso. Tángá maloba ya Yirimia mpe oyo Yehova alobaki mpo na kolendisa ye na Yirimia 1:6-8. Yehova asalisaki Yirimia; akosalisa mpe yo mpo oyebisa baninga mateya ya Biblia oyo ondimaka!

Mpo obanga mingi te, osengeli mpe komibongisa malamú. Na libota, bókota na site jw.org esika bakomi “Mituna oyo bato batunaka mingi mpo na Batatoli ya Yehova.” (Fungolá esika bakomi **MAKAMBO ETALI BISO > MITUNA OYO BATO BATUNAKA MINGI.**) Bópona motuna oyo okanisi ete bato bakoki kotuna yo.

Bótanga eyano oyo epesami. Bólobela ndenge mokomoko na bino akoki kopesa eyano yango na maloba na ye moko. Na nsima, mokomoko atuna moninga motuna yango na ngala na ye mpe bótala ndenge akoyanola. Komá na serkle moko motuna oyo moninga moko akoki kotuna yo. Na serkle mosusu, komá eyano oyo okoki kopesa.



- ▶ **MEKÁ KOSALA BOYE:** Bóluka makambo mosusu oyo etali mosakoli Yirimia. Bózwa lokasa oyo elobeli Yirimia na jw.org. (Fungolá esika bakomi **MATEYA YA BIBLIA > BANA > BATO OYO BIBLIA ELOBELI.**) Bómeka koyanola mituna oyo ezali na lokasa yango, na nsima bótala soki biyano oyo etyami wana ekokani na oyo bopesaki.